

4

PROGNOSTICATIO
EXIMII DOCTORIS
THEOPHRASTI
PARACELSI.

AD ILLVSTRISSIMVM
ac potentissimum Principem Ferdinandum Roman.
Regem semper Augustum atque Archiducem Austriæ
conscripta. Anno 1536.



MARCVS TITIVS
AD LECTOREM.

SI cupis astrorum fælices scire meatus,
Arcanisque simul mystica verba notis.
Quid sacra venturos promittunt sydera in annos,
Et quod portendunt spesve metusve sciit.
Humanis pariter quo terrens omine mentes,
Nos moueat clemens ad pia facta Deus.
Concitus æthereo doctor Theophrastus ab uestro,
Diuite mirandis hæc docet ore modis.
Vt caueat quisunque malum mala fata minantur,
Omnino hic nullum nominet illa virum.





P R Æ F A T I O
PROGNOSTICATIONIS
DOCTORIS
THEOPHRASTI
PARACELSI.



O C R A T E S olim cum de curiosa admodum inuestigatione rerum cœlestium, humanarum, & earum quæ ante pedes erant, oblitus disputaret. Quæ suprà nos nihil ad nos pertinere significabat nimis anxiam & superstitionis speculationem esse vanam, vacuam, atque nocuam. Sic enim fieret ut aliquis suo periculo aliquando edocetus ab eismodi studio auocaretur. Verum mediocritatem vndique in Platone, & laudat & commendat. Qui enim fieret ut is qui oraculo sapientissimus iudicaretur, fontem sapientiæ ac rerum omnium cognitionem cùm diuinarum, tum humanarum astrologiam calumniaretur, ipse Astrologus ad miraculum

doctus Platone teste. Nolo hic Astrologiæ encomium texere, per se satis à doctis laudatae. Hoc tantum dico, nullam esse artem quæ tam propriè diuinitùs tradita edocta, ac monstrata sit. Legatur Moyses qui rationes reddit cur Deus firmamento Solem, Lunam, ac Stellas imposuerit, vt sint vobis ait in dies, Tempora, & annos; vnde Paulus huius mundi sapientes commendat, qui visibilibus his inuisibilem creatorem agnouerunt. Verum in hoc ille redarguit eos rursus, vt non coluerint creatorem super creaturam: Deus præcepit nobis, vt elementa inspiciamus & ab opere authorem cognoscamus colamus & adoremus. Sunt enim visibilia & quæ apparēt omnia, laruæ, ac inuolucra, quibus arcana, & naturæ abdita & secreta aperit: sic repertæ magnificæ artes, mirabiles in radicibus, lapidibus, & etiam hominibus, effectus ac natura quæ sagaci solertia ac industria proditæ sunt à doctis hominibus, quos Homerus & Hesiodus Alphistas & Meropes, hoc est, indagatores vocant: verum ne nimium cognitioni tribuamus humanæ, diuina ea est sapientia, quæ procedit à Patre luminum, vt Iacobus ait: nam quemadmodum litterarum notas prodidit Deus, quo animi sensus tum efferre ac significanter proloqui poterimus, ita & per eas ceu per instrumentum omnes disciplinas quotidie tradit ac perdecet.

Et quia Deus sua mirabilia opera in usum hominum ita mirificè creauit, voluit etiam ut ea cognoscantur, scholam instituit, nō cuius penetrabilem; in qua sedulò discamus, ea quæ non appareant omnibus. Piscator ad se trahit sagena ex fundo alto, & multis millibus profundo pisces, quos nunquam vidit. Metallista & effosores opum proferunt massas auri & argenti è cauernis terræ profundissimis, quo oculi acies numquam penetrauit: sic abstrusa quævis in sua natura scholâ Deus docet, & subinde ob oculos ponit. Quare nihil est usque adeò tectum, quod non reueletur & in lucem proferatur, siue sit in cœ-

Cide Primeti

Io firmamenti , in mari seu terra omnia referuntur sub
dio , & id vt dixi per Alphistas hoc est indagatores ho-
mines Clarissimi virti hodiè volitant docta per ora virum ,
qui coluere , atque in lucem naturæ artes prodidere ,
quorum memoria non intercidet , verum enim laude di-
gnum musa vetat mori , viuitur ingenio cætera mortis
erunt . Quare & nos pro modulo , ac dono nobis conces-
so , consultis astris , voluimus post terga metentium artis
huius spicas colligere , & naturæ & astrorum minas per
quadraginta quatuor annos duraturas ostendere ; vt ho-
mines præmoniti discant timere Deum , vltorem scele-
rum aliquando ferre . Dici non potest , quām omnis caro
corruptit suam viam , sursum deorsum aguntur omnia ,
perturbantur , ac cœlum terræ miscetur , & nisi dies de-
curentur iræ Dei , non saluaretur vlla caro . Mouit pro-
fectò me nihil aliud vt astra paulo diligentius intuerer ,
quām hominum vita vndequaque soluta ac pessima .
Sunt signa in Sole & Luna & Stellis venturi iudicii Dei ,
securis ad arborem posita est . Sanguis sanguinem tangit ,
vt Propheta ait non est qui requirat Deum , omnes inu-
tiles facti , non est vsque ad vnum . Reuocant nos omnes
Prophetæ prognosticatores & concionatores ad charita-
tem , concordiam & vnitatem . Vnitas est in triade diuina ,
trias reducitur ad vnitatem , sic in hominum societa-
te , vnitati studendum , paci & tranquillitati , vbi excre-
scit vnitas in pluralitatem , ibi eruōtur dissensiones , lites ,
ac concertationes , quot enim capita tot sensus , velle
suum cuique est , nec voto viuitur vno , in vnitate quies &
abundantia pacis . Ecce quam bonum & quam iucun-
dum habitare fratres in vnum Dauid monet , omnes crea-
turæ gaudēt in vnitate , vnicæ est cœli harmonia , ac con-
centus , vnicâ amicitiâ terra vegetatur , & fructum suum
vnitate profert in tempore suo . Omnes obtemperant
vnitati excepto Sathana , & homine , homine , signis cœli ,
Sole , Lunâ , & Stellis ad eam colendam admonétur qui .

dem; sed ipsi parui pendunt , quare & illis impendet, ad
imminet interitus, & quidem repentinus, Beatus qui nō
sedet in cathedra pestilentia, & impietatis , & qui non
ambulat in consilio prauorum, quoniam visitabuntur &
breui, ira Dei est super eos , Atque quiuis eam in corde
suo sentit adesse , & pœnam aufugere nec euadere pos-
se. Nemo poterit Deum vincere in die furoris sui, durum
est aduersus stimulum recalcitrare. Deus exercitum est
fortis zelotes, visitans iniquitatem patrum superfilios in
tertiam & quartam generationem. Extrema demētia est
aduersus Deum pugnare. Temerarij erant Gygantes qui
Iouem cœlo deicere conabantur, verum disiecti ac ful-
mine prostratis sunt. Iam hominum temeritatem & ful-
titiam voluimus paucis, tringita scilicet duobus figuris
perstringere. Vidimus enim peccatum Amorphaorum
completum , iniquitatem ad cœlum vsque clamare &
ferre. Fit autem cùm omnia in summum deuenient ut
arcus nimium tensus in neruum abire solet, detrahantur
homines velint nolint, in aliud vitæ genus submissius ali-
quanto , & magno eorum malo : torquentur semirabiliter
quidem donec finem sumat corruptio, sed quis ob-
id tristabitur ? appropinquat enim multorum salus &
redemptio, ab omnibus malis. Quis enim ex animo non
gestiret videre dies bonos , vnitatem reductam, sub uno
pastore nos vnâ viuere in pace. Aberit tum omnis im-
portunitas & molestia; distillabit balsamum in barbam
Aaronis, Benedictio, claritas , gratiarum actio à Deo
super omne qui vnitati studebunt , exibit.

Odibilis erat in cœlis superbia , atque cœlestes spiritus
in casu luciferi non male afficiebantur, sed iustitiæ Dei
subscribebant; quare nos deberemus dolere si Deus &
hodie precipitat in infernum vsque superbos cogita-
tione mentis ipsorum : vt diximus , gaudere potius de-
beremus , quod à domo Dei incœperit iudicium & id
super omne genus superbum prorogatur. Scopus fere

vnicus est, ut s^æpè monuimus, nostræ prognosticationis, quod astra minentur interitum superbis, & elatis in mundo: velit semel oppressos suos ipse vendicare, & liberare, detrahere potentes, euehere humiles: initia dolorum hæc, sed nondum sunt confirmata, confirmabuntur ne pereati iustus, cum impio ne adducatur, ac seducatur.

Diximus etiam neminem nominatum in hoc nostro prognostico, Deus nouit, quos castigandos decreuerit ignoti sunt omnes coram hominibus, sentient quidem scelerosi citius, quam homines nos deprehendere & diuinare poterimus. Testa sunt ea nobis omnia, reuelantur vero, Cabala occultat secreta & non pronunciat certò quam matrem & inuentricem Astrologiæ esse aiunt. Tradidit enim Deus, quosdam; excœcauit oculos eorum; & indurauit cor eorum, ne videant oculis, & ne intelligent corde, & conuertantur & sanentur: hoc vero in fine procœmij omnes precor, ut cādide omnia interpretentur, suspiciones habeant liberas, ne metu, ira, odio, aut inuidia moti suspicentur quosdam hīc esse notatos, donec pertranseat finis, tum postea declarent, quod dixerim, & rapiant quo voluerint.

Noui hac in re multos pronunciass^e etiam multa, quorum operam, studium & conatum non reprehendo, sed maximè promoueo. Video enim interitum minari astra multis monachiis; verum si homines essent prudentes, se ad Deum conuerterent, pius est & misericors facile precibus assiduis flebitur, Non enim necessitatem astris tribuimus, adducimur semper: sed si vult Dominus, auertit omnia solus. Iosue precatus est, ut sol staret, donec ultionem de inimicis suis caperet, voti factus compos, exauditus est. Ezechias solarium precibus retinuit. Helias precibus cœlum clausit. Multum valet deprecatione iusti assidua. Si qui velint aufugere poenas astrorum quæ minantur, resipiscant, orent, piè ac

sobriè viuant. Quod ut fiat concedet nobis Pater per
Filiū suum dilectum, in Spiritu suo sancto. Amen.

OVIDIUS FAST. 2.

Fœlices animæ, quibus hæc cognoscere primum,


Inque domos superas scandere cura fuit,

Credibile est illos pariter vitijsque iocisque

Altius humanis exeruisse caput.

FIGVRA I.


FIGVRA I.



IN omnibus rebus est externa quædam nota, qua deprehendimus ea, quæ oculis non sunt subiecta hoc est interna. Sic & natura rei suos, rursum & magica suos habet, quos signat, sic & tu signum tuum proprium circumfers: vorandi enim studio flagras, atque expetis eos qui tecum nonnihil commercij habent. Terque quaterque beatus is omnis est, perpetuaque fruiturus quiete, cui omnino nihil est quod agat tecum: si vero sint qui tecum commune quiddam habere desiderant, pulchritudinem tuam, ac decorem tuum plusquam iustitiam & integratatem requirunt.

A


FIGVRA II.



QVI in vigore de terra florem cæteris omnibus
præstantiorem educit, & eundem suo loco & tem-
pore, aridum, floccidum, ac putridum efficit, sic & tibi
accidit, hodie cum sis lilium agri, cras (ut Christus inquit)
in clibanum mitteris, hoc est in solitudinem, vasisitatem,
& exilium migrabis, atque in eam omnium rerum sub-
missionem quæ plus solito te annis retroactis humiliabit,
prudentia, consilio & timore Domini res tuas stabiles ac
firmas fecisses, verum tua te ipsum euertit astutia, Tibi
exeundum est quod introieras.


A ij

FIGVRA III.




CV M in pace tua te exatiare nolebas, inexplebile
quod aiunt dolium eras. Impinguatus, incrassatus,
dilatatus recalcitras, immenso onere, auaritia scilicet, su-
perbia vitæ ac libidine grauasti te, insolentia tua destru-
xit te, dissensiones ac motus tuos in te partitus es. Glo-
riaris in malitia, qui potens es in iniquitate; Accedet
itaque et tempus tuum visitationis tue, humiliaberis,
et in pristinum statum redigeris: resipisces quidem, sed
huius resipiscentie non erit locus.

FIGVRA IV.




AMOREM tuum à dextris & sinistris habet
bas verum ordine inuerso , atque eo consilio res
tuas fore constantes arbitraris. Verùm utraque pars an-
gustiabit te , & odio (quod aiunt vaticinio) prosequen-
tur. Idemque amor tuus quasi meretricius in tui capitis
exitium recidet , vergetque. Caput quidem te esse præsu-
mebas , sed eris sine capite fabula , truncus & inutile
lignum. Cogeris tu quidem hanc molestiam , hoc tedium ,
hunc contemptum deuorare , & eas quas ceperis esse testi-
dines edere.

FIGVRA V.



SAPIENTIAM quidem rerum humanarum
requirit corona regia, verum in te ea desideratur;
diuersum enim designasti, clementiae oblitus, hominem
exuisti; in tyrannidem prolapsus, insignia & enormia
perpetrasti scelera; Lapis super te corruet, ac comminuet
& conteret te, vltionem effusi sanguinis innoxij infliget,
visitabit te, inquam, à meridie & ortu, quem
egregie contemnebas: & adhuc quidem breui, non abi-
bit annus, atque alter, neque erit ut confidas homini,
in quo non est futura salus, fædera tua erunt irrita,
nam & fæderati tui corruent.

FIGVRA VI.




ODOR tuus grauis, non omnibus ferendus; tem-
perabitur autem, si quando sol radios suos oppo-
sitione densarum nubium, non usque adeo late, &
super te sparsurus est: vegetaturus nimirum posthac te
eo acrius. Initio tu quidem florebas, ac mirum in mo-
dum triumphabas: consilium autem tuum amicos seiun-
xit, ideoque constare non poterat: Verum tu inde in-
signem reportabis actorum laborum laudem & victo-
riam, nam ad te tu rediisse videris.

FIGVRA VII.



MAGICA rerum tuarum omnium interitum,
signato præsignat lapide; tenuem quidem, et
macram ductura es vitam, cum limite tuo egressus sis
terram petas. Superioribus quidem annis pinguedine,
opibus, ac voluptate exundabas, et vitæ superbia præ-
fracta diffuebas: verum arcus nimium tensus in ner-
uum abire solet. Mole tua ipsa corrues, te major effecta;
plerumque enim fieri solet ut si quando pennas extra
nidum extendere presumptuose gestiunt, turpiter subsi-
dant: multisque calamitatibus adficiantur, quod quia te
ipsum non agnoscis, in huius incides pœnam, qui regna
transfert, ac destruit; alieno periculo nolebas cauere tuum.

FIGVRA VIII.



QVIS est in rerum uniuersitate , qui certo sciat , cuinam sol proiiciat radios ? hoc est cui tribuantur ea quæ alioqui hominibus praestare impossibile sit , & quia omnia in Dei manu potenti sita sunt , qui largitur quæ largienda sunt , cui vult ; frustra conantur homines aduersus stimulum (quod aiunt) recalcitrare : fasscant itaque & valeant humana consilia , ea omnia inuenere terminum . Non est aduersus Dominum prudenter , nec consilium , nec potentia , peribis cum tuis ; si contra fluminis tractum niti conaris .

FIGVRA IX.




Q VOD hanc bestiam truculentam , terrore ac
timore ingenti homines horreant nunc , non fit
sine numine diuino ; verum habet & hic terror suum
terminum. Nam ea ferula quæ super te diuinitus ordi-
nata , tuam fractura est ferociam , atque sauitiam ; pla-
neque clumbem & imbellem te efficiet : ita etiam ut ij ho-
mines , qui tremore bestiæ huius percussi & admirabun-
di , in stuporem quasi rapti , dicturi sint : numquam exi-
stimassemus , quod hæc ferula tantilla tum subito domatu-
ra esjet tantum (alioquin) ac tam efferum leonem : quare
in omnibus finis est considerandus.

FIGVRA X.




VESTITVS tuus non est nuptialis , magica
enim , cor tuum cucullis palliatum , mundo dete-
xit , & quemadmodum aurum septies igne probatum &
examinatum colatur ; ita magis multo vexationibus ac
tentationibus aggredieris , vexaberis ac colaberis . Con-
temptus vero & opprobrium tuum non auferetur a te .
Initio non considerabas te , impia exactione tua exu-
gebas miseros , de manibus vero tuis rapina & paupe-
rum sudor rursus exigetur , & tradetur ; cui pertinent
huiusmodi bona caduca & fluxa .

FIGVRA XI.



PINGVI aqualiculo tuo distento , orto tibi nimium fælici sydere, hactenus saginasti te probè, curastique , quod aiunt , tuam cuiiculam ; genio plus satis indulgebas , mella circumquæque vorans , dulcedine , otio , et voluptate abundè diffluens , verùm sapientis erat rebus prosperis aduersa prospicere , hyemis , inediæ , atque calamitatum tuarum omnium futurarum pulchre oblitus , ad extremam redigeris inopiam : ita quod talos tuos ipsos sugere tuoque quod aiunt , succo viçtitare cogeris ; rationis itaque atque prudentiæ expers bestiæ similis effectus .

FIGVRA XII.



NE MO debet sibi temerè arrogare honorem sedis, primosque cum Pharisæis eligere accubitus: qui enim se extollit, humiliabitur. Ita tu honoratiori loco locasti te, non cogitasti euentum tuum: cogeris cum rubore, periculo, ac perditione extremum occupare locum. Summus enim non erat tuus iure. Onus graue et importabile facta, corruet itaque S. P. Cathedræ numulariorum euertentur, honores, opes, ac voluptatem quaesiisti, à quibus excides, mercedem ab eis tuæ vastitatis meritam suscipere ne graueris.

FIGVRA XIII.




NIMIA indulgentia contemptum parit : sic cum
praui homines alicuius boni viri benignitate abu-
tuntur, sua stultitia se euehere conantur , accidit id quod
virenti accidit gramine, fæniseca enim suo demit tempo-
re. Si ratione, consilio, & prudentia res tuas gubernas-
ses, non esse tuæ stultitiae daturus satis graues pœnas ;
de tuo enim agitur corio , capitis periculum subibis , in-
discrimen vitæ , ac salutis tuæ adigeris , unde emergere
non possis , sic qui in cœlum suis consiliis conscendunt , de-
turbabuntur ac præcipitabuntur in infernum usque , ubi
erit ploratus & stridor dentium.

FIGVRA XIV.



VERVM verbum est, omnes fieri nimia licentia deteriores: nam in maximas calamitates incidere solent, qui subditis plus nimio fræna laxant: fere fit autem, ut suo quis aliquando inguletur gladio, in foueamque incidit, quam ipse fodit aut fecit: Authore suæ internacionis ipse: illa enim prælarga donatio ac prælarga concessio contumeliam, præfractionem ac superbiam parit, quæ postea in direptionem, lacerationem ac destructionem litterarum indultarum vergit, seduxit te cor tuum elatum ac fastuosum, non solum tuos, verum etiam inferiores quosvis præ te contemnebas. Annihila-
 beris & tu.

FIGVRA XV.



ABVSVS es immodica libertate tua: nam caput
in terris agnoscebas planè nullum: atque adeo plus
æquo in te ipso superbiebas, nihil verò est unquam tam
sublime, quod non possit detrahi: imponetur itaque su-
per te caput, & sub hoc capite cœu membrum in cor-
pore seruies, & vnâ cum reliquis membris totum susti-
nebit corpus propter fastum tuum, quo in summum us-
que tendebas: Occurret tibi quem non præuideras, atque
consilia tua irrita faciet. Pacabitur autem hoc totum ne-
gotium quando dormieris cum patribus tuis.

FIGVRA XVI.




RECTE Paulus ait: *cum essem puer; ut puer lo-
quebar, ut puer sentiebam, ut puer cogitabam,
factus verò vir, puerilia rideo, aboleo, atque contem-
no. Sic hodie multi frustrabuntur puerili labore: scriben-
dorum librorum nullus finis, ait sapiens, verùm tempus
& celat & aperit omnia. Liquidò apparebit, quod pro
croco sterlus, pro margaritis rudera, ac catarmata am-
plexati fuimus: verùm in manus diripientium te inci-
des, & ceu folium à facie venti auolabis, atque distur-
baberis omnino, & nemo scit qui colliget te.*

FIGVRA XVII.




SAPIENTIS architecti est, ut solide ædes extruat, fundamentum firmum ponat, & ut Christus ait, super firmam petram ædificet, ne cum venti irruant, imber descendat, flumina veniant, ædes extructas deiecientur: deiectiones rursum erigere tentet, diruet, ædificet, mutet quadrata rotundis: atque adeo id quod positum est, ut dixi, munit ac fulciat, ne inimicus homo facile demoliri possit, idque quod solo æquatum est, rursus demolitor curet, ne reædificetur, & sic utrorumque stultitia appareat: multi exere multa, multi erecta destruxere, destructa verò reficienda sunt in finem rerum: non intendunt fragilitati, vanitati atque stultitiae subiecta omnia: Omnia arenae commendant atque committunt.

FIGVRA XVIII.



AQVILA non ex te oritur , idè immittet in te ventum impetuosum , qui te vna cum pullis tuis obruet , Haec tenus quidem prospera usus es fortuna , fortuna vero quem nimio fouet , stultum facit dicentem : anima mea habes multa bona reposita in annos multos , re quiesce , comedere , bibe , gaude , fruere bonis tuis . Nescis vero quid serus vesper vehat , repentinus tuus imminet interitus , hac nocte repetent à te animam tuam , quæ vero parasti cui cedent ? dispergent austri res tuas præciosas : inundatio diluuij suffocabit eas : non est enim vita hominis in abundantia illius ; omnia transitoria , Vallis umbra mortis ac lachrymarum , cum sis mortalis , quæ sunt mortalia cura .

FIGVRA XIX.



HVMANA consilia te euertent; imo ea tibi erunt
omnia contraria, pulchrè tu quidem tibi places, tibiq;
plus nimio indulges modo, amnes & montes transfilire soles,
paradisum nactus hortorum voluptatem; quod verò ratio-
nis ac sensus communis expers sis, ac velocissimos tuos sal-
tus male loces, tibi excendum est, ea qua vides specie cor-
rues. Refugia tua tunc te in mirum modum fallent. Imò
ea vestigiis quasi canes odorata fera inseguentur te. Recor-
dare itaque omnia humana esse vana. Respice & agnosce
te ipsum, atque tua impendentia mala considerato; nam
leuius lœdit quidquid præuidetur ante. Emendes rerum
tuarum statum omnem: nisi enim verum & decentem rerum
statum obseruabis, vñà cum tuis peribis.

FIGVRA XX.



Ad inuentiones humanae tamdiu sunt duraturae quamdiu homines eas retinere possunt. Cum verò destitutus, solus sustinet suis viribus, superiora in inferiora hæc conueriti necesse est, hoc est suis frustrari cogitationibus. Et huius mundi sapientiam, summam apud Deum fieri stultitiam, inquit enim, perdam sapientiam sapientum, & intelligentiam eorum reprobabo. Sapientia solius Dei constat, cui etiam cedere velit nolit cogitur. Omnis caro, carnis ratio, iudicium ac sapientia gramen est: mirum in modum nobis placet, & tantū ut (alias non) opera digitorum nostrorum adoramus. Verum omnis gloria hominis quasi flos graminis, exaruit gramen, flos decidit, verbum autem Domini manet in æternum, sic & tua accidit, tum doctrinæ, tum vita, hypocrisis eum facit.

FIGVRA XXI.



QVIETE parta , fracti tui subsidiarij debilitati-
que canes tui venatici , tempus erit te rursus in-
uisere deturbabitur nadus tuus vna cum pullis tuis , ce-
des & relinques omnia , præter sententiam tuam , im-
plicaberis ijslaqueis quos alteri tetenderas , & in æternum
non ad pristinum deuenies statum , excideris omnino cum
filiis tuis qui in te sunt , atque nihil in te est uspiam quod
non rimetur , peragretur , ac destruatur , hoc certò scias .

FIGVRA XXII.



EGREGIA M tu quidem tegis hypocrisim, ore
enim eanon prædicas passim, que corde latent tuo,
hoc autem rursus & te non lateat, nihil esse usque adeò
tectum quod non aliquando reueletur. Reuelabuntur au-
tem consilia tua, euidenter erit omnibus: conaris quidem nunc
magnâ astutiâ eos, qui mollia vna cum iis qui & durio-
ra, & castrœ gestant indumenta, subigere, res pacis.
& belli componere, & ad tuum nutum omnia admini-
strare. Spe hac frustraberis, nihil efficies, frustra inquam
in sinum quod aiunt gaudebis. Tum tuo sanguine pacare
rem non poteris. Deus est qui ultionem inflget: noli
altum sapere; sed time; sed humiliare sub potentiam manu Dei.

FIGVRA XXIII.



QUEM AD MODVM tres personæ in diuina existunt triade & unitate complentur: ita & eadem unitas homines decet. nisi enim unitate doctrinæ tum vitæ homines copulentur, futura est perpetua desolatio, & vastitas. Chaos & confusio omnium rerum; omne enim regnum in se diuisum desolabitur, sic nemo laeditur nisi à seipso: sputum in expuentem recidit, suo regna laborant periculo. Paruae res concordia crescent, discordia maximæ dilabuntur; vanitati subiecta omnia, concordia vero studendum, ea est, qua regna & Imperia consistunt, ea redibit, lætare & gaude.

FIGVRA XXIV.




CVIVS MODI est fædus quod pactum est inter vos? dispicite ipsi: formæ non sunt eædem , quanto minus mentes: diuersa natura diuersum ingenium: in diuersis itaque animus sibi ipsi constare non potest, hac illac diffluet , mirabilis natura mirifice induita assumens quod non erat , manens quod erat. Externa species vana , vanos vestros animi affectus repræsentat, verum si rebus vestris volueritis esse consultum , bestias exuite , in homines redite , nihil rationi , consilio , atque prudentiæ dissonum statuite; reddite cui timorem timorem , cui honorem honorem ; quod verò hoc vobis durum esse videatur, bestias vos esse magis quàm homines videmus, non habentes rerum vestrarum omnium rationem: peribitis itaque consilio atq; stultitia vestra.

FIGVRA XXV.




IN OMNIBVS actibus debet esse præcipuus scopus quidam quod omnia dirigantur argumentorum tela, ut scripti alicuius summa certa haberi possit: verum quia eius rei cognitio in te desiderabatur amphibologica, ambigua et incerta omnia pronunciaras, in tuis laqueis ipse irretitus es. Superuacaneum forte existimabas veram scripturam sigillo munire tuo. Ininxus rationi sapientiae, et prudentiae tuae, pro arbitratu tuo libero omnia Scepticorum more ultro citroque differens te ipsum in periculum adduxisti, tuosque omnes suspensos reddis mirabiliter dubios; quare iuxta in arenam ædificantes flebitis et plorabitis.

FIGVRA XXVI.




SI BYLLÆ vaticinium facit Æolici digammatos;
quare tu F iure rosæ insertus es, tempus te produxit;
atque adeo maturum, quid quid prænunciauit de te sibyl-
la, hoc in te complebitur certo & plus ultra ætas produ-
cens rosas, tempus hoc nostrum importunum est, quo sur-
sum deorsum aguntur omnia; itaque perturbatio euiden-
tissimum signum est humanæ inconstantie: verum tu tibi ip-
si undique constabis, tua enim omnia erunt firma, fun-
data supra firmam petram; sicut mons Sion in æternum
non commoueberis: succedent tibi omnia ex animi tui sen-
tentia. Ita etiam ut homines admiraculum usq; stupescant:
verum hæc omnia tempus ac ætas secum feret. Cum vero
accesserit, ea quoque accessura sunt, propter quæ venit.

FIGVRA XXVII.




POLYARCHIAM boni viri numquam pro-
bauere; nam pessimè multorum principatus administra-
uit respublica: unus Rex, unus Dominus esto, utrorum-
que oblitis, pestes rerumpublicarum in orbem inuaserit pri-
uata eius imperia, priuatas ac proprias commoditates curant
de publicis non admodum solliciti, quæ sua sunt quærunt;
non quod aliorum: ideo subiugabuntur rursus, in pristi-
na frugalitate agnoscentes ex re sua, tum aliorum fore,
unum esse merum & solidum imperium, atque illud uni-
cum habebit successum, in omnibus fortuna satis propitia;
sub eo afflicti, calamitosi, ac miseri exultabunt & ga-
debunt.

FIGVRA XXVIII.



DI V E R S I diuersa tum sentiunt; tum etiam sta-
tuunt; quare nil firmi, nil solidi, nec sani conclu-
dunt: hoc vero volui vos considerare atque diligenter per-
pendere, quemadmodum circa quadragesimum secundum
venturum qui vos cingat atque ducat quod nolitis; factu-
rum que illi tum placuerit, flectet vos atque quo voluerit,
ipse inclinabit vos: Consilia vestra non sunt ex eo quem
prætenditis apud vos esse. Recordamini quām stultæ sint
cogitationes vestræ, impiaæ ac vanæ: quod si nouissetis, pæ-
nam vobis vestræ stultiæ repositam, procul dubio in die
illo vestro curaretis, & quæ ad pacem vestram essent, nunc
vero abscondita sunt à vobis.

FIGVRA XXIX.



COMMVNIS totius mundi querela est, neminem velle esse sua contentum sorte, suæque inservire vacationi, unde ut extra septa transfiliamus, peregrina inuadamus pascua, alterius opes, fortunas, ac facultates, fuco ac specie quadam simplici ad nos pertrahere conamur, atque inde omnis generis lites, dissensiones, ac iurgia oriuntur, verum eo redigentur res humanæ, ut pastoris aduentu circa quadragesimum tertium, singulæ ones ad singula sua agentur præsepia: unum ouile futurum, sub uno pastore, duce, ac Imperatore, fœlicissima tunc hora futura est, beatus omnis qui attinget eam.

FIGVRA XXX.



CONCILIABVL A sanè multa hac tenus habuisti: verum opposita audire nolebas, egregie adversarium contemnebas, absentem, præsentem: quare frustra laborasti, & neque hodie te agnoscis, sed præfrectâ & perfrictâ fronte eò tendis quò nec peruenire potes, nec debes. Sederes quidem libenter in S. P. Sed & ea corrueret & ipse corrueret, conarium tuum impedit tibi is, qui Dominus tuus est. Itaque redito ad cor, nihil efficies, vana te lactas atque seducis spe, fieri enim non potest, ut tua ad euentum prosperum deducas. consilia: irrita erunt omnia, operam & oleum perdes, tota die ac nocte frustra laborabis, nil capies. Tua enim non quæ Dei sunt curas.

FIGVRA XXXI.



TANTA & talis futura est omnium rerum renouatio, & mutatio: ut planè aurea saecula redijisse videantur, ubi planè puerilis candor, simplicitas, ac integritas regnabit, explosis omnibus versutijs, astutijs, & insidijs hominum: atque breui, tametsi illud quadragesimum multis videatur saeculum, tamen veniet: fieri enim non potest, ut omnia mala quæ effudit in orbem uniuersum Leo rugiens, ictu oculi & momento exterminentur, paucatim decrescent: ita tamen ut pauca quædam suberunt priscæ vestigia fraudis, benè beatéque vivitrus is est, qui ad eam vitæ innocentiam peruenturus est.

FIGVRA XXXII.



MVLTO sudore, & labore conatus es reformatum mundum, magnus ut ab integro nascatur sæculorum ordo, merito itaque exacto labore quiesces, felix is futurus, qui sub hac quiete & somno proditurus est, malum enim non videbit: omnia tunc erant pacata, restituta, ac in integrum redacta. Nemo potuit tuos sanctissimos conatus impedire: ideoque nemo sit qui te excitet modo, donec compleatur numerus quem annumerabant inimici tui à diebus nativitatis suæ. Tum peccatum rursùs abundabit, refrigescet charitas, peribit fides, ac mundi finis aderit.

FINIS.



EXPOSITIO BREVIS PROGNOSTICATIONIS EXIMII DOCTORIS THEOPHRASTI PARACELSI CORONIDIS VICE AC CONCLVSIONIS LOCO adiecta.



R D I N E recensuimus nostræ Astrologicæ considerationis triginta duos typos , per quadraginta quatuor annos duraturos , atque eos vix , nimiò quidem data opera , attigimus : ea enim debent esse ad tempus usque suum tecta , & obscura , non cuiuis nota . Intelligentibus quidem satis dictum est ; iis enim scribimus : quare breuis esse labore , sed obscurus : nam si prodignitate ac rei necessitate , quamuis eorum Typorum formam explicare ac tractare conarer , & dies & papyrus deficeret . Singuli enim loci , singulōs requirent libros ,

atque adeo iustos ac plenos. Ordior, omnia sub inuoluerio mala impendentia, quæ astra portendunt atque minantur, tradita sunt breuissimè. Pro maiore tamen intellectu, ut nonnullis inseruiamus, instituimus aliquot capita tractare, atque paulò apertiùs declarare. Prima figura intelligenti satis nota. Secundum huius typi membrum, forma lilio similis est; verum si rem altius perpenderimus, ranunculæ vel si mauis, bufones sunt: lilyum enim magico signo paulatim in ea decreuit animalecula. Quemadmodum enim eiusmodi bestiolæ tumore atque efflatione, boues magnos æquare conantur, dum rumpantur, ita fastuosí & elati sese plus nimio efferunt, donec pereant, deprimantur, ac humilientur. Esto verò quod sit lilyum, atque hoc interim te non lateat, quod domesticum non est, sed sylvestre, vepribus implicatum: omnibus enim suum inuidet odorem, mirabili cruciatum inuidiâ. *Atque inuidia Siculi maius non inuenere tyranni tormentum*, ait Poëta, ita miserè suis spinis ipsum conficitur, configitur, atque suffocatur Lilium; atque si se sic omnia hæc habere quidam sentirent, intellicherent, ac crederent, gaudium eorum in luctum subito conuerteretur, flerent potius quam riderent. Verum cum hæc futura illis non sint cordi, veniet super eos calamitas, angustia, atque extrema omnium rerum desperatio. Deseretur, atque derelinquetur ab omnibus fœderatis, & sociis suis, qui haec tenus in delitiis habitus est ab omnibus: inanientur ergo eius vires, & à ventura ira se liberare non potest, nolim tamen vt hostis quantumvis fractus contemnatur; opus est in hac re magnâ prudentiâ. Omnia tantum degusto ac deumbro, si licet ut diximus initio omnia non vniuersaliter, sed particulariter fusius prosequi, multa aperirentur rerum incommoda. Huius verò tragœdiæ sequentia capita, ad octauum usque, multa humana ac peregrina quærerent consilia, adminicula, & auxilia, fœdera fœderibus, fœderibus

fœdera iungentes, donec illis paratum calicem eibant
& paratam in conspectu Dei mensam degustent: refé-
tionem quidem, refocillationem, ac consolationem in
humanis statuerit, sursum deorsum acturi omnia, om-
nem moturi lapidem, ædificaturi, destructuri, atque im-
probè laboraturi. Verum extra Deum, ut nulla salus &
liberatio, ita nec requies, nec tutum asylum, utinam sa-
perent, ac intelligerent homines, & nouissima dispice-
rent, ac paulo altius considerarent. Quidquid agas,
prudenter agas, & respice finem. Inuoca me inquit Do-
minus (non quare brachium sæculi, maledictus qui
confidet in homine) & liberabo te, eripiam te, & glori-
ficabo te. Nolite confidere in principibus in quibus non
est salus. Octauum vero caput regnabit, & triumpha-
bit; nam necesse est in terris extare imperium, ad quod
se fesse appetcent, ac componant, reliqua omnia membra.
Nam qui fieri posset, ut tranquillitas humanæ vitæ, se-
curitas, pax & iustitia versarentur inter aliquos morta-
les ac miseros homines, vbi non huius nutu, & dīgituli
crepitū authoritas & capitū huius maiestas appareret,
atque rursus hoc caput in reliqua se se diffunderet mem-
bra, quæ postea iussu huius retinerent humana, aspiran-
te diuinâ grariâ. Compertum est nostro periculo graui,
quàm mundus apostasiâ perierit, vbi unusquisque decli-
nauit in viam suam, sua quærens, relinquens publica.
Nemo debet obliuioni tradere vocationem suam, quâ
vocatus est super terram. Quantum ad nonum attinet,
salutaris est quandoque ferula. Quis pater qui non ali-
quando redarguet filium suum? redibis ad percutien-
tem te. Necesse est ut minetur, ac incuruetur super te
virgula; verùm in rectitudinem assurget, non enim vi-
detur esse consultum ut nemini quicquam retineatur.
Sub ferula eris, & illa castigabit te, & emendaberis;
quare æquo feras animo, feras, non culpes quod mutari
non potest.

Sequens pictura , pœnitentiam exigit in cinere & sacco, exemplo Ninivitarum, qui ad prædicationem Ionæ resipuerunt, frustra se suâ iustitiâ mundabunt; necesse est ut doctrinæ & vitæ peccatum agnoscant. Cùm ad Dei iustitiam & notitiam quâ iustificabit impium, confugiant. Suo succo , aprorum mōre, vivere miserum est. Brutum ac bestia es , ratione cares. Sapiens te ad formicam remisisset , quæ æstate victum parat, vt sit hyeme vnde viuat. Verùm tu te ipsum neglexisti, posteritati tuæ non prospexisti, fame, cum filiis tuis qui in te sunt, & frigore conficeris. Totum hoc nostrum prognosticon mirabiliter approbat Diua virgo cum canit, detraxit potentes de sedibus. Itaque nemo miretur, cum his oculis suis, cernit quotidie impossibilia, vt rationi videntur accidere. Quæsusus est Diogenes quid Deus in cœlis ageret ? respondit deiicit alta, humilia euehit. Humiliamini itaque potentes sub potenti manu Dei: vt exaltemini in æterna vita, nisi malitis experiri id quod scriptura habet , Potentes potenter tormenta patientur.

Nembrotea consilia robustiorum venatorum in terris confundunt altitudinem cœli ; conantur, vt olim , Gygantes Iouem cœlo deturbare, ac deiicere: turres Babylonicas extruunt, quibus se munire conantur aduersus Deum & hominem. Verùm ubi disiecit & dissipauit tum Deus confusione linguarum eorum studia , ita & nostri frustrabuntur , & stultitiae pœnas dabunt; Velis nolis ventis expositus , illi te hâc illâc agitabunt: non potes munitiones, turres, atque factalitia illi exponere ; longè inferior eris eo, qui de te triumphabit. Quis nouit consilia Dei, nisi spiritualis, qui etiam profunditates perscrutatur, omnia indicat, à nemine iudicandus: homines vix sciunt quid in homine sit, & ad quem terminum & scopum dirigere omnia debeant. Cum verò in solius Dei manu omnia consistant, quâ fortitudine, quibus viribus,

aut consilio , homo quicquam tentare aut aggredi pos-
test; fragilis arundo, & cicuta est hominis vis & poten-
tia. Omnes qui in te confidebant, corruent, peribis cum
illis: nam cum propriam tuam domum purgare non po-
teras, atque tuis & præesse & prodesse , quam spem alij
de te concipere possunt. Omnes qui bella volunt, defi-
cient, ac ab incepto desistant: nam ad pacem, & ad vitæ
tranquilitatem dirigentur omnia: itaque fœdera , pa-
cta, ac conuenta soluentur. Delectabitur puer, super fo-
ramine aspidis, ludet agnus cum lupo, falces in vomeres
concentur, irrita perpetuā soluent formidine terras Oc-
cidet & superas & fallax herba veneni. Iucultisque rubens
pendebit septibus tua . Longum foret singulas persequi
figuras, Omnes , ad simplices usque pueros, ceu uno
face complectamur, & prognosticamus simpliciter filiis
hominum Deum plus satis indulsisse, ut est patiens, lon-
ganimis, & multæ miserationis; Verum tarditatem gra-
uitate compensabit. Solem sinit oriri, dans pluuias, im-
plens corda nostra gaudio & lætitia ; Verum ingratii ho-
mines contemnunt diuitias bonitatis, tolerantiæ , & le-
nitatis eius, ignorantes quod clementia illius eos ad pœ-
nitentiam inuitet. Resipiscant igitur , ut non in ventum
& in vanum laborent, neque diffidant:namque diffiden-
tia fidei hostis perniciosissimus: illuminabit eum, Sol, qui
primus est in lite sua accusator sui. Redibit quilibet ad
vocationem suam, ad aratum suum , ad officium, va-
cationem & functionem suam: ad pristinam simplicita-
tem & puerilem candorem. Qui saepius tolerabiles con-
ditiones pacis instituit , ipse in pace quieuit. Saepè nu-
mero verò excitatus, surgente eo, dissipati sunt omnes ini-
mici eius; contremuit terra, omnesque ingemuere crea-
turæ: is est qui euertit, erigit, destruit, reficit, transfert,
& regna funditus tollit: omnia quæcunque voluit fe-
cit. Instituit cum filiis hominum agere per quadraginta
quatuor annos, tum rursus ad quietem se se componere;
& inclinare. Verum ij anni erunt illi tanquam dies he-

sternus , qui præterit; omnia in eis perficiet. Iam hic rursus alium inuaderet, corripiet, emendabit, aut euertet. Quis vero sit dormienti similis, nemo suspicetur; tectum est nomen eius, non memorabitur. Coniecturæ, ut fallant, ita fallentur, *exitus æta probat.*

Quare omnes qui hoc nostrum prognosticon lecturi sunt , meminerint neminem nomine esse perstrictum; suspicione itaque carere voluimus : Tecta, obscura, atque ignota modo sunt ; cum verò acta, transacta sunt omnia , tunc liberè iudicabunt homines etiam nomine proprio adiecto , citra periculum. Tamen velim omnes admonitos , ne putent ad se nihil attinere , existimant plurimi se sedere in scapulis Dei , nescientes se esse abominationem coràm Deo , proinde prognosticatam pœnam non effugient , admoniti verò cum resipiscant, emendabuntur : sed emendandi tantum , euertendi euertentur. Propitius Deus , auertat omnia impendencia mala , per filium suum dilectum Iesum Christum Dominum nostrum , Amen.

F I N I S.